



鍾繇

鍾繇字元常潁川長社人也嘗與族父瑜俱至洛陽

道遇相者曰此童有貴相然當厄於水努力慎之行

未十里度橋馬驚墮水幾灰瑜以相者言中益貴繇

而供給資費使得專學舉孝廉除尚書郎陽陵令以

疾去辟三府爲廷尉正黃門侍郎是時漢帝在西京

李傕郭汜等亂長安中與關東斷絕操領兖州牧始

遣使上書傕汜等以爲關東欲自立天子今曹操雖

魏

卷二

有使命非其至實議留操使拒絕其意繇說傕汜等

曰曹兗州乃心王室而逆其忠款非所以副將來之

望也傕汜等用繇言厚加答報由是操使命遂得通

後傕脅天子繇與尚書郎韓斌同策謀天子得出長

安繇有力焉封東武亭侯時關中諸將馬騰韓遂等

各擁彊兵相與爭操方有事山東以關右爲憂乃表

繇以侍中守司隸校尉持節督關中諸軍委之以後

事繇至長安移書騰遂等爲陳禍福騰遂各遣子入

侍操在官渡與袁紹相持繇送馬一千餘匹給軍操

天立市
津市
書藏

魏書
卷二
鍾繇

與繇書曰得所送馬甚應其意其後匈奴單于作亂平陽繇帥諸軍圍之未拔而袁尚所置河東太守郭援到河東衆甚盛諸將議欲釋之去繇曰袁氏方疆援之來關中陰與之通且援剛愎好勝必易吾軍若渡汾爲營及其未濟擊之可大克也援至果徑渡汾衆止之不從濟水未半擊大破之斬援降單于其後河東衛固作亂與張晟張琰及高幹等並爲寇繇又率諸將討破之自天子西遷洛陽人民單盡繇徙關中民又招納亡叛以充之操征關中得以爲資表爲

魏

卷二

二

前軍師魏國初建爲大理遷相國不在東宮賜五熟釜爲之銘曰於赫有魏作漢藩輔厥相惟鍾實幹心膺丕卽王位復爲大理及踐阼屢遷太尉轉封平陽鄉侯及馭卽位進封定陵侯遷太傅繇有膝疾拜起不便朝見使載輿車虎賁舁上殿就坐是後三公有疾遂以爲故事初操下令使平議死刑可宮割者繇以古之肉刑更歷聖人宜復施行以代死刑議者以爲非悅民之道遂寢及丕臨饗羣臣詔謂操欲復肉刑此誠聖王之法公卿當善共議議未定會有軍事

復竊太和中繇復上疏論之獻以吳蜀未平且寢四年
薨繇工正隸行草八分尤長正隸初求蔡邕筆法
於書誕誕不傳輒搥胸嘔血曹操以五靈丹救之得
活及誕死繇盜發其塚遂得邕法卧則以手畫被被
爲之穿世以繇正隸如郊廟旣陳俎豆斯列梁武帝
亦謂如雲鶴遊天羣鴻戲海

王朗

王朗字景興東海郡人也以通經拜郎中除菑丘長
師太尉楊賜賜薨棄官行服舉孝廉辟公府不應徐

魏

卷二

三

州刺史陶謙察朗茂才時漢帝在長安關東兵起朗
爲謙治中與別駕趙昱等說謙曰春秋之義求諸侯
莫如勤王謙乃遣昱奉章至長安天子嘉其意拜謙
安東將軍以昱爲廣陵太守朗會稽太守孫策渡江
略地朗功曹虞翻以爲力不能拒不如避之朗自以
身爲漢吏宜保城邑遂舉兵與策戰敗績浮海至東
治策又追擊大破之朗乃詣策策以儒雅詰讓而不
害操表徵之拜諫議大夫參司空軍事魏國初建領

魏郡太守遷奉常不卽王位遷御史大夫及丕篡位

改爲司空進封樂平鄉侯時丕頗出游獵或昏夜還
官朗上疏以爲違警蹕之常法非萬乘之至慎也初
建安末孫權始遣使稱藩而與昭烈交兵詔議當興
師與吳并取蜀土朗議曰今權之師未動則助吳之
軍無爲先征丕納其計黃初中鵜鵠集靈芝池詔公
卿舉獨行君子朗薦光祿大夫楊彪孫權欲遣子登
入侍不至是時車駕徙許昌大興屯欲舉軍東征朗
上疏宜勅別征諸將各明奉教令以慎守所部外驩
烈威內廣耕稼使泊然若山澹然若淵勢不可動計

魏

卷二

四

不可測是時丕以成軍遂行權子不至車駕臨江而
還馭立進封蘭陵侯是時方營修宮室朗上疏陳諫
時屢失皇子而後宮就館者少朗上疏曰周禮六官
內官百二十人而諸經常說咸以十二爲限明百斯
男之本誠在於一意不但在於務廣也朗著易春秋
序經周官傳奏議論記咸傳於世太和二年薨謚曰
成侯子肅嗣肅字子雍年十八從宋忠讀太玄而更
爲之解黃初中爲散騎黃門侍郎太和三年拜散騎
常侍四年大司馬曹真征蜀肅上疏諫罷又上疏宜

遵舊禮爲大臣終哀薦果宗廟事皆施行黃龍中山陽公薨漢主也肅上疏曰昔唐禪虞虞禪夏皆終三年之喪後肅領祕書監景初間官室盛興肅上疏極諫又論諸鳥獸無用之物而有芻穀人徒之費皆可蠲除帝嘗問曰漢桓帝時白馬令李雲上書言帝者諦也是帝欲不諦何得當不歿肅對曰但爲言失逆順之節原其本意皆欲盡心念存補國臣以爲殺之未必爲是帝又問司馬遷以受刑之故內懷臆切著史記非貶孝武令人切齒對曰馬遷記事不虛美不

魏

卷二

五

隱惡劉向楊雄服其善叙事有良史之才謂之實錄漢武帝聞其述史記取孝景及己本紀覽之乃大怒削而投之此爲隱切在孝武而不在于史遷也正始元年出爲廣平太守遷太常時大將軍曹爽專權任用何晏鄧颺等肅與太尉蔣濟司農桓範論及時政肅正色曰此輩卽弘恭石顯之屬復稱說邪爽聞之戒何晏等曰當共慎之公卿已比諸君前世惡人矣爲光祿勳時有二魚長尺集於武庫之屋有司以爲吉祥肅曰魚生於淵而亢於屋介鱗之物失其所也

將其殆有棄甲之變乎後果有東關之敗徙爲河
南尹嘉平六年持節兼太常奉法駕迎高貴鄉公於
元城是歲白氣經天大將軍司馬昭問肅何故肅曰
此蚩尤之旗也東南其有亂乎明年春鎮東將軍毋
丘儉揚州刺史文欽反後遷中領軍加散騎常侍其
露元年薨子惲嗣初肅善賈馬之學而不好鄭氏時
樂安孫叔然授學鄭玄之門人稱東州大儒徵爲祕
書監不就自魏初徵士燉煌周生烈獻大司農弘農
董遇等亦歷注經傳頗傳於世

魏

卷二

六

董昭

董昭字公仁濟陰人袁紹以爲參軍事昭欲詣漢獻
帝至河內爲張揚所留時操領兖州遣使詣楊假塗
至長安楊不聽昭曰袁曹雖爲一家勢不久羣曹今
雖弱然實天下之英雄也當結之揚於是通操後操
遷天子於許皆昭計也操朝天子於洛陽引昭並坐
問曰今孤來此當施何計昭曰惟有移駕幸許耳願
將軍筭其多者操曰此孤本志也楊奉近在梁聞其

精得無爲孤累乎昭曰鎮東費亭之事皆奉所定

且時遣使厚遺答謝以安其意三年昭遷河南尹時
張楊爲其將楊醜所殺楊長史薛洪河內太守繆尚
城守待紹救操令昭單身入城告諭洪尚等卽日舉
衆降以昭爲冀州牧操令昭烈拒袁術昭曰備勇而
志大關羽張飛爲之羽翼恐備之心未可得也昭烈
到下邳殺徐州刺史車胄操自徂征徙昭徐州牧袁
紹遣將顏良攻東郡又徙魏郡太守從討良良死從
圍鄴城袁紹同族春卿爲魏郡太守在城中其父元
長在揚州操遣人迎之昭書與春卿鄴旣定以昭爲

魏

卷二

七

諫議大夫後袁尚依烏丸蹋頓操將征之患軍糧難
致鑿平虜泉州二渠入海通運昭所建也操表封千
秋亭侯後操遂受魏公魏王之號皆昭所創及關羽
圍曹仁於樊孫權遣使辭以遣兵西上欲掩取羽江
陵公安羽失二城必自奔走樊軍之圍不救自解乞
密不漏合羽有備操詰羣臣羣臣咸言當密昭曰軍
事尚權期於合宜宜應權以密而內露之羽不卽王
位拜昭將作大匠及踐阼遷大鴻臚進封右鄉侯五
年從駕東征七年還拜太僕獻立進爵樂平侯太和

四年行司徒事六年上疏陳末流之弊其畧曰竊見當今年少不復以學問爲本專更以交游爲業國士不以孝悌清修爲首乃以趨勢游利爲先年八十一薨子胄嗣歷位郡守九卿

劉曄

劉曄字子揚淮南成德人漢光武子阜陸王延後也父普生渙及曄渙九歲曄七歲而母病困臨終戒渙曄以普有侍人性諂害我必懼必亂家汝長大能除之則吾無恨矣曄年十三謂兄曰母言可行矣渙曰

魏

卷二

八

鄒可爾曄卽入室殺侍者徑出拜墓舍內大驚白普普怒遣人追曄曄還拜謝曰亡母顧命之言敢受不請之罰普心異之遂不責也汝南許劭名知人避地揚州稱曄有佐世之才有鄭寶張多許乾之屬各擁部曲會曹操遣使詣州有所案問曄往見爲論事勢自引佩刀斫殺寶其渠帥推曄爲主曄覩漢室漸微已爲支屬不欲擁兵遂委其部曲與廬江太守劉勲時勲兵疆於江淮間孫策惡之遣使以書說勲請出兵爲外援勲信之又得策珠寶葛越喜甚外內盡賀

而曄獨否策果襲其後勲窮蹙遂奔操操至壽春時
廬江界有山賊陳策衆數萬人臨險而守莫能禽克
操問羣下可伐與不曄曰策等小豎今天下畧定後
伏先誅操笑曰卿言近之克策如曄所度操還辟爲
司空倉曹掾操征張魯轉主簿旣至漢中山峻難登
軍食頗乏令曄督後諸軍使以次出曄策魯可克延
康元年蜀將孟達率衆來降丕甚器愛使爲新城太
守曄以爲達有苟得之心達終以叛敗黃初元年以
曄爲侍中賜爵關內侯詔問羣臣令料昭烈當爲關
羽出報吳不曄曰羽與備義爲君臣恩猶父子後備
果出兵吳吳悉國應之而遣使稱藩朝臣皆賀曄又
曰可因其窮襲而取之及備軍敗退吳禮果廢丕欲
興衆伐之五年幸廣陵泗口命荆楊州諸軍並進會
羣臣問權當自來不曄曰彼謂陛下欲以萬乘之重
牽已未有進退也大駕停住積日權果不至丕乃旋
師云卿策之是也當念爲吾滅二賊不可但知其情
而已嚴立進爵東亭侯太和六年以疾拜太中大夫
有間爲大鴻臚復爲太中大夫薨子寓嗣少子陶亦

高才而薄行官至平原太守

蔣濟

蔣濟字子通楚國平阿人也仕州別駕建安十三年孫權圍合肥時大軍征荊州遇疾疫唯遣將軍張喜將千騎領汝南兵以解圍頗復疾疫濟乃白刺史僞得喜書云步騎四萬已到雩婁遣主簿迎喜三部使齋書語城中守將一部得入城二部爲賊所得權信之遽燒圍走城用得全明年使於譙操問濟曰昔孤與袁本初對官渡徙燕白馬民民不得走賊亦不敢

魏

卷二

十

欽今欲徙淮南民何如濟對曰是時兵弱賊疆不徙必失之自破袁紹北拔柳城南向江漢荊州交臂威震天下民無他志然百姓懷土實不樂徙懼必不安操不從而江淮間十餘萬衆皆驚走吳後濟使詣鄴操迎見大笑曰木但欲使避賊乃更驅盡之拜濟丹楊太守大軍南征還以溫恢爲楊州刺史濟爲別駕民有誣告濟爲謀叛主率者操聞之曰蔣濟寧有此事有此事吾爲不知人也辟爲丞相主簿西曹屬關

羽圍樊操以漢帝在許近羽欲徙都司馬懿及濟說

操可遣人勸權躡其後計割江南以封權則樊圍自解操如其言權卽引兵西襲公安江陵羽遂見禽丕卽王位轉相國長史及踐阼出爲東中郎將入爲散騎常侍黃初三年與大司馬曹仁征吳敵卽位賜爵關內侯遷爲中護軍齊王卽位進爵昌陵亭侯遷太尉以隨太傅司馬懿屯洛水浮橋誅曹爽等進封都鄉侯薨子秀嗣秀薨子凱嗣

滿寵

滿寵字伯寧山陽昌邑人也年十八爲郡督郵時郡

魏

卷二

十一

內李朔等各擁部曲害於平民太守使寵糾焉守高平令縣人張苞爲郡督郵貪穢亂政寵因其來在傳舍率吏卒出收之詰責所犯卽日考竟遂棄官歸操臨兗州辟爲從事及爲大將軍辟署西曹屬爲許令時曹洪宗室親貴有賓客在界數犯法寵收治之洪書報寵寵不聽洪白操操召許主者寵知將欲原乃遠殺之操喜曰當事不當爾邪故太尉楊彪收付縣獄尚書令荀彧少府孔融等並屬寵但當受辭勿加

考掠寵一無所報考訊如法數日求見操言之曰楊

鹿考訊無他辭語當殺者宜先彰其罪此人有名海
內若罪不明必大失民望竊爲明公惜之操卽日赦
出彪初或融聞考掠彪皆怒及因此得了更善寵時
袁紹盛於河朔而汝南紹之本郡門生賓客布在諸
縣擁兵拒守操憂之以寵爲汝南太守寵募其服從
者五百人率攻下二十餘壁誘其未降渠帥於坐上
殺十餘人一時皆平建安十三年從操征荊州大軍
還留寵行奮威將軍屯當陽孫權數擾東郵復召寵
還爲汝南太守賜爵關內侯關羽圍襄陽寵助征南

魏

卷二

十二

將軍曹仁屯樊城拒之進封安昌亭侯丕立王位
遷揚武將軍破吳於江陵進封南鄉侯獻主卽位進
封昌邑侯太和二年領豫州刺史三年春降人稱吳
揚聲欲詣江北獵孫權欲自出寵度其必襲西陽而
爲之備權聞之退還秋使曹休從廬江南入合肥令
寵向夏口寵上疏曰曹休雖明果而希用兵今所從
道背湖旁江易進難退此兵之窪地也賊果從無疆
口斷夾口要休還路四年拜寵征東將軍其冬孫權
揚聲欲至合肥寵表召交豫諸軍皆集賊尋退還被

兵寵以爲賊大舉而還非本意也表不罷兵後
十餘日權果更來到合肥城不尅而還景初二年遷
太尉寵不治產業家無餘財薨謚曰景侯

梁習

梁習字子虞陳郡柘人也爲郡綱紀操爲司空辟召
爲漳長累轉別部司馬領并州刺史時承高幹荒亂
之餘胡狄在界張椎跋扈吏民亡叛習到官誘喻招
納前後送鄴凡數萬口其不從命者興兵致討邊境
清肅操嘉之賜爵關內侯建安十八年并屬冀州拜

魏

卷二

十三

議郎西部都督從事又使於上黨取大材供鄴宮室
習表置屯田都尉二人後單于入侍西北無虞習之
績也不主踐阼復置并州復爲刺史政治常爲天下
最太和二年徵拜大司農習在州二十餘年而居處
貧窮四年薨子施嗣初濟陰王思與習俱爲西曹令
史思因直日白事失操指操大怒教召主者將加重
辟時思近出習代徃對已被收執矣思乃馳還自陳
已罪罪應受死操嘆習之不言思之識分曰何意吾

軍中有二義士乎後同時擢爲刺史思領豫州思亦

能吏然苛碎無大體官至九卿封列侯

賈逵

賈逵字梁道河東襄陵人也自爲兒童戲弄常設部伍祖父習異之曰汝大必爲將率口授兵法數萬言初爲郡吏守絳邑長郭援之攻河東所經城邑皆下逵堅守援急攻之城將潰絳父老與援要不害逵絳人旣潰援聞逵名欲使爲將以兵劫之逵不動後舉茂才除滎池令高幹之反張琰將舉兵以應之逵不知其謀往見琰聞變起欲還恐見執廼爲琰畫計如

魏

卷二

十四

與同謀者琰信之琰敗逵以祖父喪去官司徒辟爲掾以議郎叅司隸軍事操征馬超至弘農曰此西道之要以逵領弘農太守召見計事大悅之操征昭烈先遣逵至斜谷觀形勢道逢水衡載囚人數十車逵以軍事急輒竟重者一人皆放其餘操善之操崩洛陽逵典喪事時鄢陵侯彰行越騎將軍從長安來赴問逵先王璽綬所在逵正色曰太子在鄴國有儲副先王璽綬非君侯所宜問也遂奉梓宮還鄴不卽位以逵爲豫州刺史州南與吳接賊不敢犯又通運渠

二百餘里所謂賈侯渠者也黃初中與諸將並征吳破呂範於洞浦進封陽里亭侯獻主卽位食邑四百戶會病篤謂左右曰受國厚恩恨不斬孫權以下見先帝喪事一不得有所修作薨子充嗣

任峻

任峻字伯達河南中牟人也漢末擾亂關東皆震中牟令揚原愁恐欲棄官走峻說原曰董卓首亂天下莫不側目今關東有十餘縣能勝兵者不減萬人若權行河南尹事總而用之無不濟矣原從其計以峻

魏

卷二

十五

爲主簿遂發兵會操起關東入中牟界衆不知所從峻獨與同郡張奮議舉郡歸操操大悅表爲騎都尉妻以從妹甚見親信操每征伐峻常居守以給軍時歲饑旱軍食不足羽林監潁州棗祗建置屯田操以峻爲典農中郎將軍國之饒起於祗而成於峻操以峻功高乃表封都亭侯建安九年薨子先嗣

蘇則

蘇則字文師扶風武功人也起家爲酒泉太守轉安定武都所在有威名操征張魯過其郡見則悅之使

爲軍導魯破則綏定下辯諸氏通河西道徙爲金城
太守親自教民耕種其歲大豐收李越以隴西反則
率羌胡圍越越卽請服操崩西平麴演叛則勒兵討
之演恐乞降丕賜爵關內侯後演復結旁郡爲亂張
掖張進執太守杜通酒泉黃華不受太守辛機進華
皆自稱太守以應之文武威三種胡並寇鈔道路斷
絕武威太守毋丘興告急於則又將軍郝昭魏平先
是各屯守金城亦受詔不得西度則乃見郡中大吏
及昭等與羌豪帥謀於是昭等從之乃發兵救武威

魏

卷二

十六

降其三種胡與興擊進於張掖演聞之將步騎三千
迎則辭來助軍而實欲爲變則誘與相見因斬之河
西平進封都亭侯徵拜侍中後則從行獵槎桎拔矢
鹿丕大怒踞床拔刀悉收督吏將斬之則稽首以成
請丕曰卿直臣也遂皆赦之然以此見憚黃初四年
左遷東平相未至道病薨子怡嗣

杜畿

杜畿字伯侯京兆杜陵人也少孤繼母苦之以孝聞
年二十爲郡功曹守鄭縣令舉孝廉除漢中府丞會

天下亂遂棄官客荊州建安中乃還荀彧進之操操以畿爲司空司直遷領西平太守操旣定河北而高幹舉并州反時河東太守王邑被徵河東人衛固范先外以請邑爲名而內實與幹通謀操謂荀彧曰張晟寇澠間南通劉表固等因之君爲我舉蕭何寇恂以鎮之彧曰杜畿其人也於是追拜畿爲河東太守固欲大發兵畿患之說固不如徐以貲募兵遂爲貲調發數十日乃定畿知諸縣附已因出單將數十騎赴拒守吏民多舉城助畿者比數十日得四千餘人固等與幹晟共攻畿不下畧諸縣無所得會大兵至幹晟敗固等伏誅時天下郡縣皆殘破河東最先定韓遂馬超之叛也弘農馮翊多舉縣邑以應之河東雖與賊接民無異心操西征至蒲阪與賊夾渭爲軍軍食一仰河東畿在河東十六年常爲天下最丕卽王位徵爲尚書及踐阼進封豐樂亭侯丕征吳以畿爲尚書僕射其後帝幸許昌畿復居守受詔作御樓船於陶河試船遇風沒丕爲之流涕子恕嗣

魏

卷二

十七

鄭渾字文公河南開封人高祖父衆衆父興皆爲名
儒渾兄泰與荀攸等謀誅董卓爲揚州刺史卒渾將
泰小子袁避難淮南袁術賓禮甚厚渾知術必敗時
華歆爲豫章太守素與泰善渾乃渡江投歆操聞其
篤行召爲掾遷下蔡長邵陵令天下未定民皆剽輕
不念產殖其生子無以相活率皆不舉渾所在奪其
漁獵之具課使耕桑又開稻田重去子之法辟爲丞
相掾屬遷左馮翊時梁興等略吏民五千餘家爲寇
鈔諸縣不能禦皆恐懼寄治郡下議者悉以爲當移

魏

卷二

十八

就險渾曰今當廣開降路宣喻恩信而保險自守此
示弱也渾率吏民前登斬興及其支黨操征漢中以
爲京兆尹及大軍入漢中運轉軍糧爲晁復入爲丞
相掾丕卽位爲侍御史遷陽平沛郡二太守郡患水
澇渾於蕭相二縣界興陂開稻田號曰鄭陂轉爲魏
郡太守其治放此又以郡民苦乏材木乃課樹榆爲
籬並益樹五果榆皆成籬五果豐實入郡界村落齊
整如一民皆財足用饒獻下詔稱述遷將作大匠渾

清素在公妻子不免饑寒及卒以子崇爲郎中

倉慈字孝仁淮南人也始爲郡吏建安中操開幕屯田於淮南以慈爲綏集都尉黃初末爲長安令太和中遷燉煌太守郡在西郵以喪亂隔絕乏太守二十歲大姓雄張遂以爲俗前太守尹奉等循故而巳無所匡革慈到抑挫權右撫恤貧羸甚得其理數年卒官吏民悲感及西域諸胡悉共會聚於戊巳校尉及長吏治下發哀或有以刀畫面以明血誠自操迄於咸熙魏郡太守吳瓘清河太守任煥京兆太守顏斐弘農太守令狐濟南相孔乂咸爲良二十石

魏

卷二

十九

呂虔

呂虔字子恪伍城人也太祖在兗州聞虔有膽策以爲從事將家兵守湖陸襄陵校尉杜松部民炆母等作亂與昌豨通太祖以虔代松虔到招誘炆母渠率及同惡數十人賜酒食簡壯士伏其側虔察炆母等皆醉使伏兵盡格殺之撫其餘衆羣賊乃平太祖以虔領泰山太守郡接山海世亂民多藏竄袁紹所置中郎將郭祖公孫犢等數十輩保山爲寇百姓苦之

虞將家兵到郡開恩信祖等黨屬皆降濟南黃巾徐和等所在劫長吏攻城邑虞引兵與夏侯淵會擊之太祖使督青州諸郡兵以討東萊郡賊李條等有功舉茂才加騎都尉典郡如故虞在泰山十數年甚有威惠文帝加威虜將軍明帝封萬亭侯子翻嗣

徐邈

徐邈字景山燕國薊人也操平河朔召爲丞相軍謀掾魏國初建爲尚書郎時科禁酒而邈私飲至於沉醉校事趙達問以曹事邈曰中聖人達白之操甚怒

魏

卷二

二十

度遼將軍鮮于輔進曰平日醉客謂酒清者爲聖人濁者爲賢人邈性修慎偶醉言耳竟坐得免刑後領隴西太守丕主踐阼歷中郎將所在著稱賜爵關內侯車駕幸許昌問邈曰頗復中聖人不邈對曰宿瘤以醜見傳而臣以醉見識帝大笑顧左右曰名不虛立遷撫軍大將軍軍師獻主以涼州絕遠南接蜀寇以爲涼州刺史值諸葛亮出祁山隴右三郡反邈輒遣參軍及金城太守等擊南安賊破之西域流通荒

戍入貢皆邈勛也討叛羌柯吾有功封都亭侯正始

元年還爲大司農遷爲司隸校尉百寮敬憚之公車
去官後爲光祿大夫數歲卽拜司空邈嘆曰三公論
道之官無其人則缺豈可以老病忝之哉遂固辭不
受嘉平元年年七十八以大夫薨於家用公禮葬謚
曰穆侯子武嗣六年朝廷追思清節之士詔曰故司
空徐邈征東將軍胡質衛尉田豫皆忠清在公憂國
忘私邈同郡韓觀曼遊有鑒識噐幹與邈齊名盧欽
著書稱邈曰聖人以清爲難而徐公之所易也或問
欽徐公當武帝之時人以爲通自在涼州及還京師

魏

卷二

二十一

人以爲介何也欽答曰往者毛季先崔季珪等用事
貴清素之士於是皆變易車服以求名高而徐公不
改其常故人以爲通比來天下奢靡轉相倣效而徐
公雅尚自若故前日之通乃今日之介也

胡質

胡質字文德楚國壽春人也少與蔣濟朱績俱知名
於江淮間任州郡蔣濟爲別駕使見操操問曰胡通
達長者也寧有子孫不濟曰有子曰質規模大畧不
以於父至於精良綜事過之操卽召質爲頓丘令縣

民郭政通於從妹殺其夫程他郡吏馮諒繫獄爲證
政與妹皆耐掠隱抵諒不勝痛自誣當反其罪質至
官察其情色更詳其事檢驗具服入爲丞相東曹議
令史州請爲治中將軍張遼與其護軍武周有隙遼
見刺史溫恢求請質質辭以疾遼出謂質曰僕委意
於君何以相辜如此質曰古人之交也取多知其不
貪奔北知其不怯聞流言而不信故可終也武伯南
身爲雅士往者將軍稱之不容於口今以睚眦之恨
乃成嫌隙况質才薄豈能終好是以不願也遼感言

魏

卷二

二十二

復與周平操辟爲丞相屬黃初中徙吏部郎爲常山
太守遷任東莞士廬顯爲人所殺質曰此士無讎而
有少妻所以歿乎悉見其比居年少書吏李若見問
而色動遂窮詰情狀若卽自首每軍功賞賜皆散之
於衆無入家者在郡九年遷荊州刺史賜爵關內侯
遷假節都督青徐諸軍事廣農積穀有兼年之儲嘉
平二年薨家無餘財惟有賜衣書篋而已子威嗣

魏列傳卷之三

陳群

陳群字長文潁川許昌人祖父寔父紀叔父謚皆有盛名羣爲兒時定常奇異之謂宗人父老曰此兒必與吾宗魯國孔融高才倨傲年在紀羣之間先與紀友後與羣交更爲紀拜昭烈領豫州辟羣爲別駕時陶謙死徐州迎昭烈欲往羣說曰袁術尚疆今東必與之爭呂布若襲將軍之後將軍雖得徐州事必無成昭烈遂東與袁術戰布果襲下邳遣兵助術大破

魏

卷三

一

漢軍備恨不用群言舉茂才除柘令不行隨紀避難徐州屬呂布破操辟羣爲司空西曹掾屬時有薦樂安王模下邳周達者操辟之群封還敎以爲模達穢德終必敗操不聽後模達皆坐姦宄誅操以謝羣羣薦廣陵陳矯丹楊戴乾操皆用之後吳人叛乾忠義死難矯遂爲名臣世以羣爲知人轉參丞相軍事魏國旣建遷爲御史中丞時操議復肉刑令曰安得通理君子達於古今者使平斯事乎昔陳鴻臚以爲死刑不可加於仁恩者正謂此也御史中丞能申其父

之論乎羣對曰臣父紀以爲漢除肉刑而增加笞本
興仁惻而死者更衆所謂名輕而實重者也羣轉侍
中領丞相東西曹掾在朝雅杖名義不以非道假人
不在東宮深敬器焉及卽王位封昌武亭侯徙爲尚
書制九品官人之法羣所建也及踐阼進爵潁鄉侯
不寢疾羣與曹真司馬懿等並受遺詔輔政獻主進
封潁陰侯爲司空錄尚書事初操時劉廙坐弟與魏
諷謀反當誅羣言之操操曰廙名臣也吾亦欲赦之
乃復位廙深德羣羣曰夫議刑爲國非爲私也青龍

魏

卷三

二

四年薨子泰嗣

泰字玄伯高貴鄉公薨泰勸謀賈克
大將軍曰公間不可殺也泰歸自殺

盧毓

盧毓字子家涿郡涿人也父植有名於世毓十歲而
孤遇本州亂二兄皆歿當袁紹公孫瓚交兵幽冀饑
荒贍養寡嫂兄子以學行見稱丕爲五官將召署門
下崔琰舉爲冀州主簿魏國旣建爲吏部郎丕踐阼
徙梁譙二郡太守丕以譙舊鄉故大徙民充之以爲
屯田而譙土地堯瘠百姓窮困毓愍之表請徙民梁
國就沃衍丕雖聽毓然以失已意恨之遂左遷使將

從民爲睢陽典農校尉遷安平廣平太守所在有惠
化青龍二年入爲侍中以爲吏部尚書且使毓自選
代曰得如卿者乃可毓舉常侍鄭冲帝曰文和吾自
知之乃舉阮武孫邕帝於是用邕前此諸葛誕鄧颺
等馳名譽有四窻八達之誚帝疾之時舉中書郎詔
曰選舉莫取有名名如畫地作餅不可啖也毓對曰
名不足以致異人而可以得常士因以考績啓帝帝
納其言卽詔作考課法齊王卽位賜爵關內侯時曹
爽秉權將樹其黨徙僕射以侍中何晏代之旣而出

魏

卷三

三

毓爲廷尉司隸畢軌又枉奏免官衆論多爲之訟乃
以爲光祿勳爽等見收太傅司馬懿使毓行司隸校
尉治其獄復爲吏部尚書封高樂亭侯高貴鄉公卽
位進封大梁鄉侯母丘儉作亂大將軍司馬景王出
征毓綱紀後事進爵封容城侯甘露二年薨孫藩嗣
毓子欽珽咸熙中欽爲尚書珽泰山太守

辛毗

辛毗字佐治潁川陽翟人也毗隨兄評從袁紹操爲
司空辟毗毘不得應命及袁尚攻兄譚於平原譚使

毗詰操求和操將征荊州次於西平毘見操致譚意
操大悅後數日更欲先平荊州使譚尚自相弊他日
置酒毘望操色知有變以語郭嘉嘉曰操操謂毘曰
譚可信尚必克不毘對曰明公無間信與詐也直當
論其執耳此乃天亡尚之時也操曰善乃許譚表毘
爲議郎久之操遣都護曹洪平下辯使毘與曹休叅
之軍還爲丞相長史丕踐阼遷侍中賜爵關內侯丕
欲徙冀州士民家十萬戶實河南時連蝗民饑羣司
以爲不可而丕意甚盛毘與朝臣俱求見丕知其欲

魏

卷三

四

諫作色以見之皆莫敢言毘曰陛下欲徙士民家其
計安見丕曰卿謂我徙之非邪毗曰誠以爲非也不
曰吾不與卿共議也毘曰陛下不以臣不肖置之左
右廁之謀議之官安得不與臣議邪丕遂奮衣起不
還良久出曰佐治卿持我何太急邪丕遂徙其半嘗
從丕射雉丕曰射雉樂哉毗曰於陛下甚樂而於羣
下甚苦丕默然後遂爲之稀出上軍大將軍曹真在
朱然於江陵毗行軍師還封廣平亭侯丕欲大興軍

征吳毘諫丕竟伐吳至江而還獻主立進封穎鄉侯

時中書監劉放令孫資見信於主制斷時政毘不與
往來毘子敞諫曰今劉孫用事衆皆影附大人宜小
降意和光同塵不然必有謗言毘正色曰主上雖未
稱聰明不爲闇劣吾之立身自有本末就與劉孫不
平不過令吾不作三公而已大丈夫有欲爲公而毀
其高節者耶出爲衛尉青龍二年諸葛亮率衆出渭
南先是大將軍司馬懿數請與亮戰帝終不聽恐不
能禁乃以毗爲大將軍軍師亮卒復還爲衛尉薨子
敞嗣咸熙中爲河內太守

魏

卷三

五

高堂隆

高堂隆字升平泰山平陽人魯高堂生後也少爲諸
生泰山太守薛悌命爲督郵郡督軍與悌爭論名悌
而呵之隆按劍叱督軍督軍失色悌驚起止之後去
吏避地濟南建安十八年操召爲丞相軍議掾後爲
歷城侯徽文學黃初中爲堂陽長以選爲平原王傅
王卽尊位是爲獻主以隆爲給事中博士帝初踐阼
羣臣或以爲宜饗會隆曰唐虞有遇密之哀高宗有
不言之思恐饗會非所宜也帝敬納之青龍中大治

金西取長安大鐘隆上䟽諫遷侍中領太史令崇
華殿災詔問祈禳之義對惟率禮修德可以勝之時
郡國有九龍見改殿名九龍是歲星孛於大辰隆上
䟽時軍國多事用法深重又上䟽以爲改正朔易服
色殊徽號異器械自古帝王所以神明其政帝從其
議改青龍爲景初後帝愈增崇宮殿而遼東不朝天
作淫雨又上䟽切諫隆疾篤口占上䟽可選諸王使
君國典兵翼亮帝室隆卒遺令薄葬子琛嗣

毛玠

魏

卷三

六

毛玠字孝先陳留平丘人也少爲縣吏以清公稱將
避亂荆州未至聞劉表政令不明遂住魯陽操臨交
州辟爲治中從事操爲司空丞相玠嘗爲東曹掾與
崔琰並典選舉所用皆清正之士務以儉率人不爲
五官將親自詣玠屬所親眷玠答不敢奉命大軍還
鄴議所并省玠請謁不行時人憚之咸欲省東曹乃
共白曰舊西曹爲上東曹爲次宜省東曹操知其情
令曰日出於東月盛於東凡人言方亦復先東何以
省東曹遂省西曹初操平柳城班所獲噐物特以素

射之箭中瓌臂賊大駭後廣陽王深以爲帳內軍主
與兄勝俱鎮桓州州已陷投尔朱榮榮與兄元天穆
謀入匡朝廷問計於岳岳曰古人云朝謀不及夕言
發不俟駕此之謂矣未幾孝明帝暴崩榮疑有故乃
舉兵赴洛配兵甲卒二千爲先驅至河陰榮旣殺朝
士因欲稱帝岳乃從容致諫榮尋亦自悟乃尊立孝
莊以定策功賜爵樊城鄉男從榮破葛榮平元顯累
遷左光祿大夫武衛將軍時萬俟醜奴僭稱大號關
西騷動榮將遣岳討之私謂其兄勝曰醜奴足爲勅
敵若岳往無功罪責立至假令克定恐讒翹生焉乃
請尔朱氏一人爲元帥岳副貳之榮大悅乃以天光
爲使持節大都督雍州刺史以岳爲左廂大都督又
以征西將軍侯莫陳悅爲右廂大都督並爲天光之
副以討之天光雖爲元帥而岳功效居多進封樊城
縣伯尋進爵爲公天光將拒齊神武遣問計於岳岳
曰莫若且鎮關中以固根本天光不從後果敗岳率
軍下隴赴雍禽天光弟顯壽以應齊神武及孝武卽
位加關中大行臺承熙二年孝武密令岳圖齊神武

魏

卷三

七

衆趨平涼西界布營數十里託以牧馬於原州爲自
安之計河渭平涼受岳節度惟靈州刺史曹泥不應
召通使於齊齊神武乃遣左丞翟嵩使至關中問岳
及侯莫陳悅三年岳召悅會於高平將封曹泥令悅
前驅而悅受神武指密圖岳岳弗知之而先又輕悅
悅乃誘岳入營共論兵事悅詐云腹痛起而徐行令
其壻元洪景斬岳於幕中朝野莫不痛惜之

郭祚

魏

卷三

八

郭祚字季祐太原晉陽人少孤貧有女巫相祚後當
富貴弱冠爲州主簿孝文初舉秀才對策上第拜中
書博士轉中書侍郎尚書左丞從南征以贊遷洛之
規賜爵東光子時孝文銳意典禮祚與黃門宋弁參
謀帷幄進爵爲伯孝文崩進吏部尚書弁州大中正
宣武詔以姦吏逃刑縣配遠戍若永避不出兄弟代
之祚奏曰若此則一人之罪禍傾二室祚持身清潔
重惜官位至於銓受假令得人必徘徊久之然後下

筆即云此人便以貴矣由是事頗稽滯然所拔用皆

相見帝與語從暮至旦甚噀之及受禪改封鄆城公
及齊王攸當之藩下禮官議崇錫之典志嘆曰安有
如此之才如此之親而不得樹本助化而遠出海隅
者乎乃建議以諫辭旨甚切帝大怒免志官後復爲
散騎常侍志遭母憂居喪盡哀因得疾病喜怒失常
太康九年卒謚曰定公

楊脩

漢書亦略載其事

楊脩字德祖太尉彪子也建安中舉孝廉除郎中丞
相請署倉曹屬主簿是昔軍國多事脩總知外內輒

魏

卷三

九

皆稱意自魏太子已下爭與交好時臨菑侯植以才
捷愛幸意與脩投契相往來甚數植後以驕縱見疏
而植故連綴脩不止脩亦不敢自絕至二十四年秋
公以脩前後漏泄言教交關諸侯乃收殺之脩臨歿
謂故人曰我固自以歿之晚其意以爲坐植也脩歿
後百餘日而公薨太子立初脩以所得王髦劔奉太
子太子常服之及卽位在洛陽從容出宮追思脩之
過薄也撫其劔駐車顧左右曰此楊德祖昔所贈也

髦劔也賜髦穀帛世語曰脩年二十五以名公子有

不能爲操所器與丁儀兄弟皆欲以植爲嗣太子患之以車載廢簾內朝歌長吳質與謀脩以白太祖未及推驗太子懼告質質曰何患明日復以簾受絹車內以惑之脩必復重白重白必推而無驗則彼受罪矣世子從之脩果白而無人操由是疑焉脩與賈逵王浚並爲主簿而爲植所友每嘗就植慮事有關村度操意豫作答教十餘條勅門下教出以次答教裁出答已入操恠其捷推問始泄操遣太子及植各出鄴城一門密勅門不得出以觀其所爲太子至門不得出而還脩先戒植若門不出候候受王命可斬守者植從之故脩遂以交構賜歿脩子囂囂子準皆知名於晉世囂泰始初爲典軍將軍受心膂之任早卒準惠帝末爲冀州刺史

王粲

徐幹

陳琳

阮瑀

應瑒

孔融

見漢

爲建安七子

王粲字仲宣山陽高平人也曾祖父龔祖父暢皆爲漢三公父謙爲大將軍何進長史進以謙名公之胄欲與爲婚見其二子使擇焉謙弗許以疾免卒於家

獻帝西遷粲徙長安左中郎將蔡邕見而奇之時邕才學顯著貴重朝廷常車騎填巷賓客盈坐聞粲在門倒屣迎之粲至年既幼弱容狀短小一坐盡驚邕曰此王公孫也有異才吾不如也吾家書籍文章盡當與之年十七司徒辟詔除黃門侍郎以西京擾亂皆不就乃之荊州依劉表表以粲貌寢而體弱不甚重表卒粲勸表子琮令歸操操辟爲丞相掾賜爵關內侯魏國旣建拜侍中博物多識初粲與人共行讀道邊碑人問曰卿能闇誦乎曰能因使背而誦之不

魏

卷三

十一

失一字觀人圍碁局壞粲爲覆之碁者不信以帊蓋局使更以他局爲之用相比校不誤一道粲才旣高辯論應機鍾繇王朗等雖爲卿相至於朝廷奏議皆閣筆不能措手每咨於粲焉建安二十一年從征吳二十二年春粲病卒昔年四十一粲二子爲魏諷所引誅太祖時征漢中嘆曰孤若在使仲宣無後始不爲五官將及平原侯植皆好文學粲與北海徐幹字偉長陳琳字孔璋陳留阮瑀字元瑜汝南應瑒字德璉東平劉楨字公幹並友善徐幹篤行體道不耽

世榮操強聘之辭疾不就後以爲上艾長又以疾不行著中論二十餘篇幹獨能考論六藝逡巡濁世有去就顯晦之大節陳琳前爲何進主簿進欲誅宦官太后不聽進乃召四方猛將並使引兵向京城欲以劫恐太后琳諫曰易稱卽鹿無虞諺有掩目捕雀夫微物尚不可欺以得志况國之大事其可以詐立乎進不納其言竟以取禍琳避難冀州袁紹使典文章袁氏敗琳歸操操謂曰卿昔爲本初移書但可罪狀孤而已惡惡止其身何乃上及父祖耶琳謝罪操愛其才而不咎少受學於蔡邕建安中都護曹洪欲使掌書記操並以琳瑀爲司空軍謀祭酒琳作檄書成呈操操苦頭風是日疾發卧讀琳所作翕然而起曰書愈我病后琳徙門下督瑀爲倉曹掾瑒瑉俱被操辟爲丞相掾屬瑒轉爲平原侯庶子後爲五官將文學其後太子嘗請諸文學酒酣坐久命夫人甄氏出拜坐中衆人咸伏而楨獨平視操聞之乃收楨旣而臧處輪作瑀以十七年卒幹琳瑒瑉二十三年卒時

有穎川邯鄲淳繁欽陳留路粹沛國丁儀丁廙河

山陽人
內布縉等亦有文采而不在于七人之列應瑒弟瓌瓌
子貞咸以文章顯瑀子籍下邳桓威著渾輿經后爲
安成令濟陰吳質以文才爲文帝所善官至振威將
軍封列侯

王弼

王弼字輔嗣幼而察慧年十餘好老氏通辨能言父
業爲尚書郎時裴徽爲吏部郎弼未弱冠往造焉徽
一見而異之問弼曰夫無者誠萬物之所資也然聖
人莫肯致言而老子申之無已者何弼曰聖人體無

魏

卷三

十三

無又不可以訓故不說也老子是有者也故恒言無
所不足尋亦爲傳報所知於時何晏爲吏部尚書甚
竒弼嘆曰若斯人者可與言天人之際乎正始中以
弼補臺郎弼與鍾會善會論議以校練爲家然每服
弼之高致何晏以爲聖人無喜怒哀樂其論甚精鍾
會等述之弼與不同以爲聖人茂於人者神明也同
於人者五情也弼注易潁川人荀融難弼大衍義弼
答其意爲書以戲之弼注老子爲之指畧正始十年
曹爽廢以公事免其秋遇羈疾亡時年二十四無子

劉邵

劉邵字孔才廣平邯鄲人也建安中爲計吏適許太
史上言正且當日蝕劭時在尚書令荀彧所在坐者
數十人或云當廢朝或云宜却會邵曰梓慎禪竈古
之良史猶占水火錯失天時禮記曰諸侯旅見天子
及門不得終禮者四日蝕在一然則聖人垂制不爲
變豫廢朝禮者或灾消異伏或推術謬誤也或善其
言勅朝會如舊日亦不蝕尋拜太子舍人遷秘書郎
黃初中爲尚書郎散騎侍郎受詔集五經群書以類

魏

卷三

十四

相從作皇覽詔書傳求衆賢散騎侍郎夏侯惠薦邵
景初中受詔作都官考課正始中執經講學賜爵關
內侯凡所撰述法論人物志之類百餘篇卒子琳嗣

朱建平

朱建平善相術曹丕爲五官將會客三十餘人不問
已及諸人年壽建平曰將軍壽八十至四十時有少
厄願謹護之謂夏侯威曰君四十九位爲州牧而有
厄若得過可至七十謂應璩曰君六十二位爲常伯
當有厄先此一年當獨見一白狗謂曹彪曰君據藩

國年五十七當厄於兵初潁川荀攸與鍾繇善攸先
亡子幼繇經紀其家而嫁其妾與人書曰吾與公達
曾共使朱建平相建平曰荀君雖少然當以後事付
鍾君吾時調之曰惟當嫁卿阿鶩耳何意戲言遂驗
乎黃初七年丕年四十病謂左右曰建平所言八十
謂晝夜也遂崩夏侯威爲兗州刺史年四十九十二
月日上旬得疾至下旬轉差垂平復三十日日晏請
紀綱大吏設酒曰吾所苦漸平明日鷄鳴年便五十
建平之戒必過矣威罷客之後合瞑疾動夜半遂卒
魏

卷三

十五

璩六十一爲侍中直省內歛見白狗問之衆人悉無
見者於是飲宴自娛過期一年年六十二卒曹彪封
楚王年五十七坐與王陵通謀賜死又善相馬文帝
將出取馬外入建平道遇之語曰此馬今日死帝乘
馬馬惡衣香驚齧文帝膝帝大怒卽殺馬

管輅

管輅字公明平原人輅年八九歲便喜仰觀星辰得
人輒問其名夜不肯寐自言家雞野鷄猶尚知時况
於人乎及成人明周易觀風角占相之道父爲瑯琊

卽丘長太守單子春聞輅名因大會賓客欲以觀輅
輅問子春曰府君名士加有雄貴之姿輅年十五心
膽未堅若欲相觀懼失精神請先飲三升清酒何如
子春大喜輅遂倡大論文采葩流枝葉橫生子春及
衆士論難踳迅而輅人人對答言皆有餘子春謂衆
人曰此年少盛才聽其言論正似司馬大人游獵賦
郭恩善周易春秋能仰觀輅就恩讀易又從恩學仰
觀三十日中通夜不卧謂恩曰君但相語墟落處所
至於推運會論災異自當出吾天分學未一年恩反

魏

卷三

十六

從輅問易及天文事要正始元年吏部尚書何晏謂
輅曰知位當至三公否又問連夢見青蠅數十頭來
在鼻上驅之不肯去輅曰鼻者良此天中之山今青
蠅臭惡而集之位峻者巔後鄧颺言君見謂善易而
語初不及易何也輅尋聲答之曰夫善易者不論易
也晏含笑而讚之曰可謂要言不煩矣輅出而言曰
鄧之行步筋不束骨脉不制肉起立傾倚若無手足
謂之鬼躁何之視候魂不守宅血不華色精爽湮浮
容若槁木謂之鬼幽輅隨軍西行過毋丘儉墓下倚

獨哀吟精神不樂人問其故輅曰法當滅族不過二
載其應至矣卒如其言後清河倪太守問輅雨期輅
曰今夕當雨是日陽燥了無雲氣衆人並嗤輅言樹
上有少女微風樹間有陰鳥和鳴又少男風起衆鳥
和翔其應至矣須臾果有良風鳴鳥東南有山雲樓
起大雨河傾正元二年弟辰謂輅曰大將軍待君意
厚冀當富貴乎輅長嘆曰天與我才明不與我年壽
恐四十七八間不見女嫁兒娶婦也若得免此欲作
洛陽令可使路不拾遺但恐至太山治鬼不得治生

魏

卷三

十七

人也吾額上無主骨眼中無守精鼻無梁柱脚無天
根背無三甲腹無三壬此皆不壽之驗又吾本命在
寅加月食夜生天有常數不可得諱吾前後相當灰
者過百人略無錯也是歲八月爲少府丞明年二月
卒年四十八初夏侯玄及何晏鄧颺俱有盛名欲交
傅嘏嘏不受荀粲怪而問之嘏曰太初志大其量能
合虛聲而無實才何平叔言遠而情近好辯而無誠
鄧玄茂外要名利內無關鑰貴同惡異多言而妬前
多言多讒妬前無親遠之猶恐禍及况昵之乎

王昶

王昶字文舒太原人也爲洛陽典農時都畿木成林昶斫開荒萊勸百姓墾田昶雖在外任心存朝廷以爲魏承秦漢之弊法制苛碎乃著治論畧依古制合於時務者二十餘篇又著兵書十餘篇言竒正之用爲子作名字皆依謙實故兄子默字處道子渾字玄冲深字道冲書戒之曰爲子之道莫大於寶身全行孝敬仁義百行之首而立身之本青龍四年詔欲得才智文章志尚在公者司馬懿以昶應選正始中封武觀亭侯司馬懿旣誅曹爽乃奏問大臣得失昶陳治畧五事詔書褒讚使撰百官考課事二年昶奏孫權流放良臣適庶分爭可乘釁而制吳蜀帝從之於是與賊大將施績戰克之遷征南將軍母丘儉文欽作亂引兵拒儉欽有功諸葛誕反昶據夾石以逼江陵持施績全熙使不得東誕誅遷司空薨

王基

王基字伯輿東萊曲城人也少孤與叔父翁居翁撫

魏

卷四

一

養甚篤基亦以孝稱年十七郡召爲吏非其好也遂
去入琅邪界游學黃初中察孝廉除郎中大將軍司
馬懿辟基未至擢爲中書侍郎時曹爽專柄風化陵
遲基著時要論以切事以疾徵還起家爲河南尹未
拜爽伏誅司馬景王新統政基書戒之曰志正則衆
邪不生心靜則衆事不躁思慮審定則教令不煩親
用忠良則遠近協服許允傳嘏袁侃諸賢皆一時正
士有直質而無流心可與同政事也遷鎮南將軍領
豫州刺史封安樂鄉侯諸葛誕反司馬文王欲遣諸

魏

卷四

二

將輕兵深入招迎唐咨等子弟因釁有蕩覆吳之執
基諫止淮南初定轉征東將軍封東武侯甘露元年
轉都督荊州諸軍事常道鄉公卽位增邑千戶景元
二年襄陽太守表吳賊鄧由等欲來歸化基被詔當
因此震蕩江表基疑其詐馳驛陳狀後由等竟不降
是歲基薨子徽嗣早卒咸熙中開建五等以基著勳
前朝改封基孫廙而以東武餘邑賜一子爵關內侯

鄧艾

鄧艾字士載義陽棘陽人也少孤太祖破荊州徙汝

南爲農民養犢年十二隨母至潁川爲都尉學士以口吃不得作幹佐爲稻田守叢草吏同郡吏父憐其家貧資給甚厚後爲典農綱紀上計吏因使見太尉司馬宣王辟爲掾遷尚書郎時欲廣田蓄穀爲滅賊資艾以爲田良水少不足以盡地利宜開河渠引水灌漑又通漕運之道乃著濟河論以喻其旨宣王善之事皆施行遷南安太守嘉平元年與郭淮拒蜀偏將軍姜維賜爵關內侯遷汝南太守甘露元年進封鄧侯四年秋詔諸軍征蜀十月艾自陰平道行無人

魏

卷四

三

之地七百餘里鑿山通道造作橋閣山高谷深至爲艱險又糧運將盡頻於危殆艾以氊自裹推轉而下將士皆攀木緣岸魚貫而進先登更戰大破之斬諸葛瞻及尚書張遵等至成都禪率太子諸王及羣臣六十餘人面縛輿襯詣軍門艾執節解縛焚襯受而宥之詔以艾爲太尉艾言司馬文王曰兵有先聲而後實者今因平蜀之執以平吳宜厚劉禪以致孫休文王使衛瓘喻艾事當須報不宜輒行艾又重言宜從前策鍾會等皆白艾所作悖逆變亂已結詔書橙

車徵艾艾父子旣囚竟斬之子忠與艾俱歿餘子在洛陽者悉誅徙艾妻子及孫於西域泰始元年晉室踐阼議郎段灼上䟽理艾謚曰壯侯

田疇

田疇字子春右北平無終人好讀書善擊劍初平元年義兵起董卓遷帝於長安幽州牧劉虞嘆欲奉使展效臣節衆議咸曰田疇疇年二十二遂署爲從事具其車騎將行疇曰今道路阻絕願以私行期於得達而已虞從之疇迺歸自選其家客與年少之勇壯

魏

卷四

四

慕從者二十騎俱往虞自出祖而遣之遂至長安致命詔拜騎都尉疇以爲天子方蒙塵不可以荷佩榮寵固辭不受馳還未至虞已爲公孫瓚所害疇至祭虞墓陳發草表哭泣而去瓚聞之大怒購求獲疇不誅也拘之軍下禁其故人莫得與通或說瓚曰田疇義士君弗能禮而又囚之恐失衆心瓚乃縱遣北歸率舉宗族他附從數百人掃地而盟曰君仇不報吾不可以立於世遂入徐無山中營深險平敞地而居

并以養父母百姓歸之數年間至五千餘家疇乃

爲約束至道不捨遺北邊翕然服其威信烏丸鮮卑並各遣譯使致貢遺疇悉撫納令不爲寇袁紹數遣使招又命卽受將軍印因安輯所統疇皆拒不當紹歿其子尚又辟焉疇終不行疇嘗忿烏丸昔多賊殺其郡寇盖有欲討之意而力未能建安十二年操北征烏丸未至先遣使辟疇又命田預喻旨疇戒其門下趣治嚴遂隨使者到軍署司空戶曹掾明日出令曰田子春非吾所宜吏者卽舉茂才拜爲舊令不之官隨軍次無終還入塞論功封亭侯疇自以始爲君

魏

卷四

五

難率衆遁逃志義不立反以爲利非本意也固讓操知其至心許而不奪遼東斬送袁尚首令三軍敢有哭之者斬疇以嘗爲尚所辟廼往吊祭操亦不問操追念疇功殊美乃復以前爵封疇疇上疏陳誠以歿自誓操不聽欲引拜之至於數四終不受疇素與夏侯惇善操語惇曰且往以情喻之自從君所言無告吾意也惇就疇宿如操所戒疇揣知其旨不復發言惇臨去乃拊疇背曰田君主意殷勤曾不能顧乎答曰是何言之過也疇負義逃竄之人耳蒙恩全活爲

幸多矣豈可賣廬龍之塞以易祿賞哉若必不得已
願効死刎首於前言未卒涕泣橫流俾具告操操知
不可屈乃拜爲議郎年四十六卒子又早歿文帝踐
阼高疇德義賜其從孫續爵關內侯

管寧

管寧字幼安北海朱虛人也年十六喪父中表愍其
孤貧咸贈賻悉辭不受稱貸以送終與平原華歆同
縣那原相友俱游學於異國並敬善陳仲弓天下大
亂聞公孫度令行於海外遂與原及平原王烈等至

魏

卷四

六

於遼東度虛館以候之旣往見度廼廬於山谷時避
難者多居郡南而原居北示無遷志後漸來從之及
中國少安客人皆還唯寧晏然若將終焉黃初四年
詔公卿舉獨行君子司徒華歆薦寧詔以寧爲大中
大夫固辭不受明帝卽位太尉華歆遜位讓寧遂下
詔徵之寧乃上疏聽放詔書問青州刺史程喜寧爲
守節高耶審老疾疋頃耶喜上言寧有族人管貢爲
州吏與寧鄰比臣常使經營消息貢說寧常着皂帽
布襦袴布裙隨時單複出入閨庭四時祠祭親薦饌

饋跪拜成禮少而喪母不識形象常特加觴泫然流涕又居宅離水七八十步夏時詣水中澡灑手足闕於園圃臣揆寧前後辭讓之意自以生長潛逸耆艾智衰是以栖遲每執謙退此寧志行所欲必全不爲守高正始二年太僕陶丘一未寧衛尉孟觀侍中孫邕中書侍郎王基薦寧於是特具安車蒲輪束帛加璧聘焉會寧卒時年八十四拜子選郎中後爲博士初寧妻先卒知故勸寧更娶寧曰每省曾子王駿之言意常嘉之豈自遭之而違本心乎

魏

卷四

七

焦先

焦先字孛然河東人也常食白石以分與人熟煮如芋食之日日入山伐薪以施人無父母兄弟見漢室衰乃絕口不言及魏受禪湄河之濱結草爲菴獨止其中河東太守杜恕嘗以衣服迎見而不與語司馬景王使安定太守董經因事過視又不語經益以爲賢或忽老忽少後與人別去不知所適魏伐吳有竊問先先不應謬歌祝酈祝酈非魚非肉更相追逐本爲殺牛羊更殺癩後魏軍敗人推其意牛羊指吳

幾旌指魏也當漢末隱居京口山中三召不起結草爲廬廬被火先露處石上風雪之夕晏如也蔡邕作焦徵君贊

張珩

張珩字子明鉅鹿人也養志不仕遷居任縣操爲丞相辟不詣青龍四年詔書張掖郡玄川溢漏寶石負圖太史公高堂隆上言實有魏之禎命任令于綽連齋以問珩珩密謂綽曰此石當今之變異而將來之禎瑞也正始元年戴任之自巢珩門陰珩告門人曰

魏

卷四

八

夫戴任陽鳥而巢門陰此南也也迺援琴歌咏作詩二篇旬日而卒時年一百五

胡昭

胡昭字孔明鉅鹿人也避地冀州亦辭袁紹之命遁還鄉里操爲丞相頻加禮辟昭往應命既至自陳一介野生無軍國之用歸誠求去乃轉居陸渾山中建安二十三年陸渾長張固被書調丁夫當給漢中百姓惡憚遠役並懷擾擾民孫狼等因興兵殺縣主簿作爲叛亂縣邑殘破固率將十餘吏卒依昭住止昭

集遺民安復社稷狼等遂南附關羽羽授印給兵還
爲賊寇到陸渾南長樂亭自相約誓言胡居士賢者
也一不得犯其部落天下安輯徙宅宜陽正始中驃
騎將軍趙儼等迺薦昭嘉平三年公車特徵會昭卒
年八十九拜子纂郎中初昭善史書與鍾繇邯鄲淳
衛覬書誕並有名



